



# ბიულეტენი

აფხაზეთის სულიერებისა და კულტურის ცენტრის  
საინფორმაციო ორგანო

№2 (78) აპრილი-ივნისი 2017 წელი



ქათანჯის მიწაძენა



**იმედისა და ჰრწმენის 10 წელი**



**ნეტოლთბ ბაჩათაშვილი - 200**



**თჯასის სიწმინდის დღე**



**შესურდა ულდატ გწათსთან**



# შეხვედრა ელდარ გენაძესთან

აფხაზეთის სულიერებისა და კულტურის ცენტრმა ციკლის „ხელოვნების გამოჩენილი მოღვაწეები“ პირველი შეხვედრა (31 მარტი) საქართველოს სახალხო არტისტს, თბილისის ზაქარია ფალიაშვილის სახელობის ოპერისა და ბალეტის თეატრის სოლისტს, ვანო სარაჯიშვილის სახელობის სახელმწიფო კონსერვატორიის პროფესორ ელდარ გენაძეს მიუძღვნა. ამ გამორჩევის მიზეზები განმარტა ცენტრის ხელმძღვანელმა სვეტლანა ქეცაძემ: ელდარ გენაძე პიროვნებაა, რომელიც თავის ყველა ღირსებასთან ერთად ყოველთვის, ყოველ წამს მზად არის დახმარება გაეწიოს, გვერდით დაგიდგეს ნებისმიერ საშურ საქმეში და ამის სათავე დიდი სიყვარულია, ყოველგვარ კეთილ საქმეს რომ სჭირდება.

სწორედ ამის ხაზგასასმელად ჩაიფიქრეს ორგანიზატორებმა საღამოს დაწყება ლისტის ნოქტიურნით, ყოვლისმძლევი და მარადიული გრძნობებით აღსავსე ნაწარმოებით, რომელიც შეასრულა ცენტრალური სამუსიკო სკოლის მოსწავლე ანა კვარაცხელიამ. პირველი სიტყვა კი თავად საღამოს მთავარ გმირს - ელდარ გენაძეს დაეკისრა. დასაწყისში ბატონმა ელდარმა ერთგვარი უხერხულობაც გამოხატა თავისი ამბლუსის გამო, მაგრამ მისმა საუბარმა, დამოკიდებულებამ აუდიტორიისადმი, ზოგადად, მუსიკის, ქართული მუსიკისადმი, ბუნებრივი მიმართულება მისცა ამ შეხვედრას. ალბათ, არც ის იყო შემთხვევითი, რომ სწორედ ამ შეხვედრის წინა საღამოს სასიხარულო ცნობა მოსვლია მესტროს: მისი მოსწავლე ლაშა სესიტაშვილი ჩაირიცხა ლა სკალას საოპერო აკადემიაში.

ბატონი ელდარი, ყველაფერთან ერთად, უბადლო მთხრობელი, მთელი საღამოს მანძილზე იხსენებდა მნიშვნელოვან ფაქტებს თავისი ცხოვრებიდან, განსაკუთრებით გამოყო შემოქმედებითი ურთიერთობა კოპოზიტორ ოთარ თაქთაქიშვილთან.

საღამოს დასაწყისში ერთ სიურპრიზს გთავაზობთ, ბრძანა და როიალთან იხმო ქალბატონი დარეჯან მახაშვილი, მისი უერთგულესი ცხოვრების თანამგზავრი, ამ შემთხვევაში კი შემოქმედებითი პარტნიორი, კონცერტმასტერი. ეს მართლაც დიდი სიურპრიზი იყო მისი მხრიდან, დიდი ხანია მას არ შეუხსრულებია ეს ურთულესი არია, აუდიტორია აღაფროვანა მომღერლის გარდასახვამ, გატაცებამ პერსონაჟით, ბატონმა ელდარმა გაახსენა საზოგადოებას ნაწარმოები, რომელიც ათეული წლების წინ წარმატებით იდგმებოდა თბილისის ოპერისა და ბალეტის თეატრის სცენაზე, შეაგრძნობინა მისი ხიბლი. ამ ერთი არიის აუღერებით იმგვარი სიამოვნება მიანიჭა აუდიტორიას, რომ მისი დადგმის სურვილიც ჩაუსახა. ეს გახლდათ ქრისტეფორეს რეჩიტატივი და არია ოთარ თაქთაქიშვილის ოპერა „პირველი სიყვარულიდან“.

შეხვედრის მხატვრული ნაწილი ელდარ გენაძის კლასის სტუდენტებს დაეთმო. წარმოდგენილმა შემადგენლობამ მესტროს კლასის პროფესიული მომზადების სრული სურათი შექმნა და კიდევ ერთხელ დაადასტურა იმ თამასის არსებობა და გაგრძელება, რომელიც ელდარ გენაძეს ჯერ კიდევ თავისი სკოლიდან, დავით ანდლულაძის კლასიდან მოჰყვებოდა. წარმოდგენილ სტუდენტთაგან ზოგიერთი საერთოდ პირველად გამოვიდა აუდიტორიის წინაშე. მაგალითად, ასე გაგვეცნო პირველი კურსის სტუდენტი გიორგი ჭრელაშვილი, რომელმაც შეასრულა უკრაინული სიმღერა „ბანდურა“; ასევე პირველად წარსდგა აუდიტორიის წინაშე ბაკალავრიატის პირველი კურსის სტუდენტი ალექსანდრე ხუხუშვილი გოჩას არიით მელიტონ ბალანჩივაძის ოპერიდან „დარეჯან ცბიერი“, ალექსი მაჭავარიანის რომანსი „მზეთა მზის სახე“ პირველი კურსის სტუდენტმა ხატია ჯიქიძემ შეასრულა, ახალგაზრდა მომღერლის შესახებ უნდა ითქვას, რომ ტემბრალურადაც სძლია ამ რომანსის ბგერწერით ხვეულებს და ნაწარმოებისთვის დამახასიათებელი ლირიზმიც გაითავისა. ინდივიდუალიზმისა და პროფესიული დაუფლებისკენ სწრაფვა გამოამჟღავნეს მეორე კურსის სტუდენტებმა თორნიკე გოგორიჭიანმა ფრანჩესკო პაოლო ტოსტის სიმღერის და ირაკლი მედიქიშვილმა გეორგ ფრიდრიხ ჰენდელის ოპერიდან „დებორა“ არიის შესრულებაში, არტისტული სიმწიფე იგრძნობოდა ოპერის თეატრის სტაჟიორ გიგი ბერაიას მიერ კოტეს არიაში ვიქტორ დოლიძის ოპერიდან „ქეთო

და კოტე“. ნეაპოლიტანური სიმღერის ხიბლი და სიმსუბუქე შეგვაგრძნობინა, ასევე, ოპერის თეატრის სტაჟიორმა ოთარ შიშინაშვილმა. „დარეჯან ცბიერიდან“ მეფე გიორგის არიით ოპერის თეატრის სტაჟიორმა გივი გივინიშვილმა, შეიძლება ითქვას, შექმნა პერსონაჟი, ვოკალური და არტისტული მონაცემების თანხვედრით. ბატონმა ელდარმა ასეთი კომენტარი წარუძღვარა მაგისტრატურის პირველი კურსის სტუდენტ გიორგი გუგუნავას გამოსვლას - რომ ეს ის შემთხვევაა, როდესაც იტალიაში წასვლამ კიდევ ერთ ახალგაზრდას ფართოდ გაუღო კარი შემოქმედებითი ნინსელისაკენ. მართლაც, მის მიერ ლაღად აუღერებული ურთულესი ჟერარის მონოლოგი ჯორდანოს ოპერიდან „ანდრე შენიე“ გამოხატავდა ერთდროულად - აქაური საფუძვლიანი და მყარი ნიადაგის შერწყმას იტალიურ ბზინვარებასთან. კონცერტში მონაწილეობდა, აგრეთვე, ახალგაზრდა შემსრულებელი, რომლის ჩამოყალიბებაში ბატონ ელდარსაც მიუძღვის წვლილი, ეს გახლდათ თბილისის სახელმწიფო კონსერვატორიის ბაკალავრიატის მეოთხე კურსის სტუდენტი ნინო ჩიქოვანი, რომელმაც შეასრულა ლეონორას არია დონიცეტის ოპერიდან „ფავორიტი ქალი“. საკონცერტო ნაწილის პროფესიული და ემოციური ტონუსი დარეჯან მახაშვილთან ერთად განაპირობეს კონცერტმასტერებმა: ირინა რამიშვილმა, მაია ფერაძემ, მარინა მეტრეველმა.

ის, რომ ამ შეხვედრა-კონცერტმა არავინ დატოვა გულგრილი, გამოიხატა ერთსულოვანი აპლოდისმენტებით, ბატონი ელდარის კოლეგების და მეგობრების რეაქციებით, სურვილით, გამოეთქვათ თავიანთი განწყობა. ნიშანდობლივი იყო ქალბატონ გულიკო კარიაულის მოსახლება: დღეს კიდევ ერთხელ წარმოჩნდა ელდარი, როგორც ქართული ვოკალური სკოლის ერთ-ერთი წინამძღოლი, მიხარია და მინდა გავიმეორო, რომ ჩვენ ერთი ძირიდან მოვდივართ, ერთი სკოლის - ანდლულაძეების კლასის წარმომადგენლები ვართ და ერთ მიზანს ვემსახურებით!

ბატონი ელდარის უშურველობის, თანადგომის მაგალითი მოიყვანა ქალბატონმა თამარ გურგენიძემ: ჩვენ ნაკლებად ვხვდებით ერთმანეთს როგორც პარტნიორები, ვინაიდან საოპერო რეპერტუარში ბარიტონსა და მეცო-სოპრანოს იშვიათად აქვთ ერთმანეთთან შეხება, მაგრამ ელდარის თანადგომა დამჭირდა, როდესაც უკვე რეჟისორის ასისტენტის ამპლუაში მყოფს „დაისში“ დამეკისრა კიაზოს როლში დღეს უკვე მსოფლიო სცენაზე მიღებული მომღერლის ვია გაგნიძის შეყვანა. განსაკუთრებით რთული იყო კიაზოს პირველი გამოსვლის მომზადება (წუწუნავასეული დადგმიდან, რომელიც აღადგინეს ზურაბ და ჯემალ ანჯაფარიძეებმა). საგონებელში ჩავვარდი, არ ვიცოდი, როგორ მომეგვარებინა ეს საქმე და ელდარს მივმართე. იგი სულითა და გულით დაგვეხმარა, გაგვარკვია, თუ როგორ უნდა მიგვეღწია მიზნისათვის, წარმატებული შედეგი კი დიდწილად ელდარის დამსახურება იყო. ქალბატონმა თამარმა, აგრეთვე, გაიხსენა ელდარ გენაძის წარმატებული გამოსვლა მოსკოვში თბილისის ოპერის თეატრის გასტროლებზე, „დაისის“ შემდეგ, როდესაც აპლოდისმენტებმა და გამოხმაურებებმა ყველა მოლოდინს გადააჭარბა, მოსკოველები დამატებით სპექტაკლს ითხოვდნენ, მაგრამ აღმოჩნდა, რომ დეკორაციები უკვე თბილისში გაეგზავნათ, ამიტომ განზილდა მოსკოველი მაყურებელი...

მადლიერების გრძნობით იყო აღსავსე ბატონი იმერი კავსაძის გამოსვლა: „არაერთხელ მომიწია ელდართან ერთად სიმღერა, მასთან ერთად გასტროლებზე გამგზავრება, ერთ ნომერში ცხოვრება. არ



**[გაგრძელება მე-4 გვ.]**



(დასაწყისი მე-3 გვ.)

ერთმანეთისათვის ვერ გაგვეყო. იგი ყოველთვის ერთნაირად ინვევდა აღფრთოვანებას როგორც პარტნიორი, თანამგზავრი, თანამეინახე...

ამ შეხვედრა-კონცერტის ზეანეული ატმოსფერო კიდევ უფრო გაზარდა საქართველოს მუსიკალური საზოგადოების თავმჯდომარე მანანა ახმეტელის გამოსვლამ, რომელმაც ძალზე მნიშვნელოვანი და სასიხარულო ამბავი აუწყა საზოგადოებას - ფალიაშვილის პრემიის კომიტეტმა ელდარ გენაძეს ფალიაშვილის მუსიკის პროპაგანდისათვის ერთხმად მიანიჭა ზაქარია ფალიაშვილის პრემია!..

ბატონმა დიმიტრი ჯაიანამ ამ ფაქტთან დაკავშირებით განსაკუთრებული დამოკიდებულების გამოსახატავად დაუშვა გამო-

ნაკლისი (სერგო ზაქარიაძის შემდეგ გალაკტიონთან შეჭიდებას ვერ ვებედავო) და პირველად ცხოვრებაში წაიკითხა „ლურჯა ცხენები“...

ემოციურმა მუხტმა, რითაც აღსაყვსე იყვნენ კონცერტის მონაწილე - შემსრულებლები და დამსრე საზოგადოება, სულიერებისა და კულტურის ცენტრის მონდომებამ და, რაც მთავარია, ისევ და ისევ ბატონი ელდარის ფენომენმა, რომელიც თავისი იშვიათი პროფესიული და პიროვნული ღირსებებით ერთ-ერთ საყრდენ და მამოძრავებელ ძალად მოიაზრება იმ სფეროში, რომელსაც იგი ათეული წლების მანძილზე დაუღალავად ემსახურება, დაუვინყარი გახდა შეხვედრა.

თამარ წულუკიძე

# „იგედისა და ჩხეპანის 10 წელი“

24 აპრილს აფხაზეთის სულიერებისა და კულტურის ცენტრში ნიგნის „იგედისა და ჩხეპანის 10 წელი“ პრეზენტაცია გაიმართა. ეს ცენტრის მიერ გამოცემული მესამე კრებულია. მასში თავმოყრილია სტატიები და გამომხატურებები 10 წლის მანძილზე ცენტრის მიერ ჩატარებული ღონისძიებების შესახებ. ნიგნი 12 თავისგან შედგება და ვინაიდან მისი გამოცემა შოთა რუსთაველის საიუბილეო წელს დაემთხვა, ისინი რუსთაველის აფორიზმების მიხედვით არის დასათაურებული.

სანჯარისა და ჭიათურის მიტროპოლიტი დანიელი (დათუაშვილი):

- უფლისმიერ საყვარელნი მამანო, დედანო, ძმანო და დანო. უპირველეს ყოვლისა, მინდა მოგილოცოთ. ჩვენ ვიმყოფებით აღდგომის სადღესასწაულო პერიოდში. ჩვენ ვზეიმობთ იმას, რომ ღმერთმა გაანადგურა ბოროტება.

ჩვენ ვცხოვრობთ ეპოქაში, როდესაც ბევრი დაცემა გვექონდა, ბევრი ტკივილი გვექონდა, მაგრამ მიუხედავად ამ გარდამავალი პერიოდის სირთულისა, რომელიც დამოუკიდებლობის აღდგენის შემდეგ აქვს ჩვენს ქვეყანას, ერთი სიმბოლო ამ ტკივილისა არის აფხაზეთი, ჩვენ ვდგავართ განთავისუფლების გზაზე ღვთის მადლით, და რომ ეს ასეა, ჩანს იმით, რომ ამ ბოლო ოთხი ათეული წლის განმავლობაში ღმერთმა გამოგვიგზავნა ძალა აღდგომისა და პიროვნება, რომელიც ამ ძალას გვაკავშირებს - ესაა ჩვენი პატრიარქი და მინდა აღდგომასთან ერთად მოგილოცოთ 2 დიდი თარიღი: 2017 წელი არის საიუბილეო თარიღი - 100 წლისთავი ავტოკეფალიის აღდგენისა და 40 წელი ჩვენი პატრიარქის საპატრიარქო ტახტზე აღსაყდრებისა, რაც არის იგივე, რაც ჩვენი ერის, სულიერი განადგურების პირას მიყვანილი ერის, შემობრუნება ღვთისაკენ. სიმბოლურია, რომ ეს წელი არის ჩვენი აფხაზეთის სულიერებისა და კულტურის ცენტრის საიუბილეო წელი და მნიშვნელოვანია, რომ ამ ღირსშესანიშნავ წელს ესეც აღინიშნება. ამ 40 წელიწადში აფხაზეთის სულიერებისა და კულტურის ცენტრმა, ვფიქრობ, დიდი როლი შეასრულა იმიტომ, რომ, ჯერ ერთი, ეს არის პატრიარქის კურთხევის აღსრულება. ეს ნიშნავს, რომ პატრიარქმა აკურთხა ყველა ეპარქია ამის განსახორციელებლად, მაგრამ ყველგან ეს არ ხერხდება, აფხაზეთის სულიერებისა და კულტურის ცენტრი კი არსებობს, ეს, რასაკვირველია, არის კურთხევის აღსრულება და ქალბატონ სვეტლანას და მის გვერდში მდგომ ყველა სასულიერო თუ არასასულიერო პირს ვულოცავ ამ ცენტრის არსებობას. მინდა ხაზი გავუსვა, რომ ეს იყო კონსტიტუციური შეთანხმების ამოქმედების ერთ-ერთი ნიშნუმი, რომ აფხაზეთის მთავრობასა და საქართველოს საპატრიარქოს შორის დაიდო შეთანხმება და მინდა მადლობა ვუთხრა დღევანდელ აფხაზეთის ხელისუფლებას - ბატონ ვახტანგს, ბატონ გიას. ყველაფერი ღვთის ხელშია. თუ ღმერთი ინუბებს, ყველაფერი ერთ წამში შეიცვლება და ამისათვის ვაკეთოთ ის, რაც ღმერთისათვის მოსაწონია და აუცილებლად ყველაფერს დანარჩენს ღმერთი გააკეთებს.

მინდა ვთქვა, რომ ეს ცენტრი ნამდვილად ამართლებდა თავის მისას - სულიერებისა და კულტურის ცენტრი. დიხ, სულიერების გარეშე, ანუ სულის სიჯანსაღის, სულის კავშირის გარეშე თავის წყაროსთან - ღმერთთან, არაფერი იქნება. სადაც არის კავშირი, სიყვარული, მშვიდობა, იქ არის ჭირთათმენა. სულიერება, სასულიერო და საერო კავშირი ამ ცენტრში იყო განხორციელებული და ქალბატონი სვეტლანა არის

სიმბოლო იმისა, რომ კულტურა, ეროვნული კულტურა, საერთოდ საერთო შემოქმედება უნდა გაერთიანდეს ღვთაებრივთან, რასაც პატრიარქი მოგვინიშნავს, ეს ამ ცენტრში ხორციელდებოდა. ბევრი თქვენგანი დასწრება ამ ცენტრში შეხვედრებს და ყველა ამ შეხვედრას ჰქონდა რალაც დამამშვიდებელი, სალბუნითი გულზე გედებოდა, ეს ყველაფერი ხდებოდა იმიტომ, რომ ეს იყო კავშირი ღვთისა და ადამიანისა. ამას ახერხებდა ქალბატონი სვეტლანა, მისი გვერდში მდგომნი. მათ გვერდში ყოველთვის იდგნენ მამა ბიძინა, მამა ადამი, ბატონი ელდარი. კიდევ ერთხელ დიდი მადლობა ბატონ ვახტანგს, ბატონ გიას და ყველას.

მონოზონი ელენე (ნაფთხაძე):

- თავის ქვეყანაში ერთი ადგილიდან დაძრული და სხვაგან ჩამორეკილი პატარა თაობა დიდი სამშროების წინაშე დადგა. შეიძლება გზას აცდენოდა. ამ თაობის ბავშვებს ღიმილი არ ჰქონდათ. შეიქმნა იმის საჭიროება, რომ ამ ადამიანებს ჰქონოდათ სულიერი მხარდაჭერა. ამისთვის შეიქმნა სულიერებისა და კულტურის ცენტრი. ადამიანის სულზე დამამშვიდებლად, აღმფრთოვანებლად მოქმედებს კარგი ლექსი, კარგი მუსიკა, კარგი მხატვრობა. სწორედ ეს მისია აიღო თავის თავზე სულიერებისა და კულტურის ცენტრმა. მინდა დიდხანს იყოთ. ეს ნიგნი არის წვეთი ზღვაში იმასთან შედარებით, რაც ცენტრმა გააკეთა.

ძალიან რთული იყო გამოდევნილ ადამიანთა ცხოვრება, მაგრამ არანაკლებ მძიმე იყო გალის რაიონში დარჩენილთა მდგომარეობაც. ჩვენ 5 წლის განმავლობაში გადმოგვყავდა მასწავლებლები ტაბახმელაში. თვენახვერის, ორი თვის განმავლობაში ისინი ყველა ერთად ცხოვრობდნენ, უტარდებოდათ ლექციები ხელოვნებაში, საღვთო სჯულში, ქართულ ლიტერატურასა და საქართველოს ისტორიაში. დაჰყავდათ ისინი საქართველოს სხვადასხვა კუთხეში ექსკურსიებზე, აცნობდნენ იმას, რის მონახულებასაც მოკლებულნი იყვნენ და დიდი სითბო, სიყვარული მიჰქონდათ მათ უკან, გალში და გადასცემდნენ თავიანთ ალსაზრდელებს, რომლებსაც ეკრძალებოდათ და დღესაც ეკრძალებათ მშობლიურ ენაზე კითხვა, სწავლა, მეტყველება. ეს ძალიან დიდი და დადებითი მუხტი იყო მათ ცხოვრებაში. ვფიქრობ, ეს არის ძალიან დიდი ღვაწლი, რაც ცენტრმა გასწია იმიტომ, რომ ეს თაობა ადამიანებად გაიზარდა, ადამიანებად, რომლებმაც უნდა გადონ ხიდი დღევანდელ საქართველოსა და დღევანდელ აფხაზეთს შორის. ამ პრობლემების მოგვარებაზე ზრუნვას ცენტრის მთელი შემოქმედებითი ენერგია შეენირა.

დიდი იმედი მაქვს, რომ ის, რაც დაითესა, აუცილებლად ნაყოფს გამოიღებს, ვინაიდან ეს იყო დიდი სიყვარულით გარჯა, ასეთ ნაბიჯებს კი ჯერ უკვალოდ არ ჩაუვლია. მინდა დიდი მადლობა გითხრათ თქვენ, ყველა თქვენგანს, ყველა თქვენ გვერდში მდგომს, ვიცი, რა ძნელი იყო იმ ფულის შოვნა, პატარა საჩუქრები რომ გეყიდათ ბავშვებისათვის, როგორი ძნელი იყო, როდესაც შენება არ გქონდათ და ხან სად და ხან სად ატარებდით შეკრებებს. ეს ღმერთმა შეინირა ყოველივე და დღეს გაქვთ შესანიშნავი ოფისი, მშვენიერი ადგილი და დიდი სიყვარული და დაფასება და მინდა ვთქვა, რომ ეს იქითა მხარესაც გადავა. დიდი დამსახურებაა თქვენისი, რომ ამდენი ბიულეტენი გამოვიდა, რამდენი რამაა გაშუქებული მათში ამ წლების მანძილზე. ეს ნიგნი კი მხოლოდ მცირე ნაწილია ამისა.

ღმერთმა მომავალშიც ბევრი გაგაკეთებინოთ!

### ამბობ, მოუთოვი...

დიდი და მნიშვნელოვანი დღეა დღეს აფხაზეთის სულიერებისა და კულტურის ცენტრში - შევიკრიბეთ ცენტრის მოღვაწეობის 10 წლისთავისადმი მიძღვნილი საიუბილეო წიგნის „იმედისა და რწმენის 10 წელი“ პრეზენტაციაზე! შთამბეჭდავია ეს დღე ყველა იმ ადამიანისთვის, ვისთვისაც ეს კერა სულიერი თავშესაფარია, კულტურასა და ხელოვნებასთან, მაღალ ადამიანურ ღირებულებებთან ზიარების საშუალებაა, ქართველებსა და აფხაზებს შორის გადებული ხიდის შენარჩუნების მცდელობაა. ვინც ამ სახლში შემოაბიჯებს, მას აუცილებლად გაჰყვება ქალბატონი სვეტლანასა და მისი კოლექტივის სითბო, გულსხმიერება, ყურადღება, საოცარი ანდამატი, რაც ისევ და ისევ აქ მოსვლის, მათთან თანამშრომლობის სურვილს ალგოძრავს. ეს არის სახლი თქვენი, ჩემი, ჩვენი სახლი, სადაც საინტერესო შეხვედრები, საინტერესო საუბრები, საინტერესო ადამიანებთან ურთიერთობები გველოდება. არ არის იოლი საქმე, 10 წელი ემსახურო რჩეულ იდეას, უერთგულო დასახულ მიზანს და შექმნა საუკეთესო ინტელექტუალური და შემოქმედებითი სახე. ეს შეძლო აფხაზეთის სულიერებისა და კულტურის ცენტრმა და მადლობა მათ ამ ღვანლისათვის!

ერთგვარი შემაჯამებელი სიტყვაა დიდებული ჯგუფის მიერ გამოცემული მორიგი კრებული, სადაც თავმოყრილია წლების მანძილზე სათუთად შექმნილი და შენახული არაერთი წერილი, სიტყვა, გამოსმაურება. რუსთაველის სიბრძნე და შეგონებანი აძლევს მიმართულებას წიგნს, რომელიც თავისი ილუსტრირებული გვერდებით წლების შემდეგ ერთ-ერთი მემკვიდრე იქნება აფხაზეთის კულტურულ-ლიტერატურული მემკვიდრეობის საგანძურში.

„მაგრა თქმულა, კარგის მქმნელი კაცი ბოლოდ არ წახდების...“- ასე სათაურდება კრებულის მეორე თავი, სადაც წარმოდგენილია დიმიტრი გულიას დაბადებიდან 140-ე წლისთავისადმი მიძღვნილი წერილები. 2008-2014 წლებით თარიღდება „საინფორმაციო ბიულეტენში“ განთავსებული პუბლიკაციები, რომელთა მისია ქართველებისა და აფხაზების საუკუნოვანი მეგობრობის ხაზგასმა და ამ სიყვარულის აღდგენისა და დაფასების სურვილი.

„ქართველის ეზოსკენ გაჭირლი ფანჯარა“; „ ვინ მოყვარესა არ ეძებს, იგი თავისა მტერია“; „უერთმანეთოდ ვერ გავძლებთ“; „დიმიტრი გულია და აფხაზეთის ისტორიის საკითხები“; „საუკუნის მოღვაწე“; „ცხუმ-აფხაზეთის მიტროპოლიტ დანიელის გამოსვლა „იმედისა და ხსოვნის დღისადმი“ მიძღვნილ საღამოზე“; „რწმენითა და იმედით“- ასეთი თანმიმდევრულობით ხასიათდება მუსიკოლოგ სვეტლანა ქეცბას, პროფესორების: ოთარ ჟორდანიას, ჯამბულ ანჩაბაძის, ჯონი აფაქიძის, მედეა კვარაცხელიას, მარინე ჯაიანის შეხედულებები დიმიტრი გულიას პორტრეტზე ისტორიულ-ლიტერატურულ ჭრილში. აქვე ეხება ეთნოგრაფი ნუგზარ ანთელავა დიმიტრი გულიას მიმართებას რელიგიური რწმენის შესახებ, სადაც გამოკვეთს აზრს, რომ ის იყო პიროვნება, ვინც ქართველ და აფხაზ ხალხებს განიხილავდა, როგორც ერთი წარმომავლობის, ეთნიკურად მონათესავეს. საყურადღებოა ასევე, ქალბატონი რუსუდან ჯანაშიას მოგონება დიმიტრი გულიაზე, რასაც ავტორი ასე ამთავრებს: „... მე მაინც იმედი მაქვს, რომ უერთმანეთოდ ვერ გავძლებთ და

ყველაფერი მოგვარდება.“ „საუკუნის გამორჩეულ მოღვაწეს და დიდ ერისკაცს“ უწოდებს თავის წერილში ავთანდილ საყვარელიძე დიმიტრი გულიას.

„- ვუსურებ თითოეულ თქვენგანს და ვფიქრობ იმ მეგობრობაზე, იმ დიდ ადამიანებზე, რომლებიც იქ დაგვტოვეთ... მე მინდა იმედიანობა გისურვოთ, ვინაიდან იმედი ბოლოს კვდება...“ ეს ჩვენი დროის გამორჩეული ლირიკოსის, პოეტი გენო კალანდიას აუსრულებელი სურვილია პუბლიკაციიდან „ხსოვნითა და იმედით“ და ძლიერ სამწუხაროა, რომ ბატონი გენო დღევანდელ საღამოს დააკლდა, დააკლდა ქართულ საზოგადოებას და მისი ნათელი სული დავანებულა იქ „სადაც მართლნი განისვენებენ“...

აქვე ვკითხულობთ სვეტლანა ქეცბას, ადა მარშანიას, გელა კანდელაკის, ჯანო ჯანელიძის, ნუნუ დულაშვილის, ციციწო ჯულუხიძის, რუსუდან ნურნუმიას „ხსოვნითა და იმედით“ სავესტრანტებს...

და ბოლოს წიგნის II თავის განსაკუთრებით მნიშვნელოვან გვერდებს შევეხებით, საიდანაც ცხუმ-აფხაზეთის მიტროპოლიტი დანიელი მოგვმართავს და გვმოდღვრავს: „მინდა შევთხოვო უფაღს, რომ მან შეისმინოს ჩვენი ლოცვა და დააბრუნოს ჩვენს გულელებში ჭეშმარიტი რწმენა და სიყვარული, რომელიც აღადგენს საქართველოს სულიერ და ფიზიკურ მთლიანობას... ღმერთმა დალოცოს ქართველი ერის სულიერი გამთლიანება, აღდგომა და ამაღლება!“

კიდევ ერთხელ ვულოცავ აფხაზეთის სულიერებისა და კულტურის ცენტრს კრებულის „იმედისა და რწმენის 10 წელი“ გამოცემას და ვუსურვებ შემდგომ წინსვლასა და წარმატებებს ჩვენი სულიერი მხნეობისა და სიმშვიდისთვის.

დასასრულს მინდა წაგიკითხოთ ჩემი ერთი ლექსი:

\*\*\*

ამბობ, მოუთოვი იმ მოღუტურჯო ზღვასთან,  
 ეგებ, ეგებ იმ ფერებს, მაგრამ არსად არ ჩანს,  
 ანთებ კვლავაც საყდართან სანთლებს,  
 თაფლის სურნელს  
 სადღაც თბის თბეში ინახავ დე კაურნეს,  
 გესიმბრება სო-ხუ-მი და დამლილი ბუდე.  
 ამბობ, მოუთოვი იმ მოღუტურჯო ზღვასთან...  
 თმავაშლილი ქალები მოგონებებს ქსოვენ  
 და მიმოზის ტყვერებში ათენდებთ დილა,  
 სადღაც ბავშვი წაიქვან დათოვლილი თმებით,  
 მიგვაცლილებს შორეთში თუვარსკვლავეთ ზეცა  
 და ფლამინგოს ყელივით შორკალაული მთვარე,  
 გაუღწითელან ჩიტი იქ მზეზე ვეღარ თბება,  
 ქარი კვლავაც ორგით ემსგავსება შეშლილს,  
 გაუღს ხან ღიხნი ოხებს, ხან კოდიორის ხეში.  
 ამბობ, მოუთოვი იმ მოღუტურჯო ზღვასთან...  
 თეთრი ღანდი მიჭყვება ვიწრო გზებს და ქუჩებს,  
 თეთრი ფარჩა მოუცვამს დასავსებულ ქალაქს,  
 გესიმბრება სო-ხუ-მი და დამლილი ბუდე.

დარიკო ფიფია

## გივი შაჰნაზარი

2015 წლის 15 მაისს აფხაზეთის სულიერებისა და კულტურის ცენტრში რუბრიკით „ხელოვნების გამოჩენილი მოღვაწეები“ გაიმართა შეხვედრა ცნობილ პოეტსა და მთარგმნელ გივი შაჰნაზართან. საღამო, რომელსაც ესწრებოდნენ აფხაზეთიდან დევნილები და საქართველოში მცხოვრებ ეროვნულ უმცირესობათა წარმომადგენლები, გახსნა ცენტრის თავმჯდომარე სვეტლანა ქეცბამ. მან საზოგადოებას წარუდგინა სტუმარი და სთხოვა მას, მოეთხრო შემოქმედებითი ცხოვრების საინტერესო ეპიზოდები. პოეტმა გაიხსენა ახალგაზრდობის წლები, შეხვედრები ცნობილ ადამიანებთან და ნაიკითხა ლექსები, მათ შორის ალექსანდრე პუშკინის „მე თქვენ მიყვარდით“, მისეული თარგმანებით. საღამო გაგრძელდა დამსწრე საზოგადოების

მისალმებებითა და შეკითხვებით. საპატიო სტუმართან ცოცხალი დისკუსია გამართეს და მასთან შეხვედრის საინტერესო ეპიზოდები გაიხსენეს: დეკანოზმა ბიძინა გუნია, ჩეხური სათვისტომოს წარმომადგენელმა ჰაროლდ შმალცელმა, აფხაზეთის მთავრობის წარმომადგენელმა შერმადინ შარია, პოეტმა გარი კალამკაროვმა, ცენტრის პრეს-სამსახურის უფროსმა ციციწო ჯულუხიძემ და სხვებმა. საღამოს მხატვრული ნაწილი დაეთმოთ თბილისის სახელმწიფო კონსერვატორიის პროფესორ გულნარა კარიაულის მოსწავლეებს, ნოდარ ანდლულაძისა და ვაჟა ჩაჩავას ახალახან გამართული კონკურსების ლაურეატებს ნათია ივანიანიშვილს, თამარ კირაკოვასა და ერეკლე გურგენ გაგრძელება მე-6 გვ.

დასაწყისი მე-5 გვ.

ნიძეს.

დასასრულს გივი შაჰნაზარმა მადლობა გადაუხადა მასპინძლებს, ხაზი გაუსვა, რომ დღეს მით უფრო მნიშვნელოვანი იყო შეხვედრა და პოეზიაზე საუბარი, ვინაიდან 15 მაისი შოთა რუსთაველის დღედ იქნა გამოცხადებული და იმედი გამოთქვა, რომ მსგავსი შეხვედრები გახდება სწორედ სტიმული ახალგაზრდებისათვის, რომ კარგი მკითხველები გახდნენ.

დემკანოზი ბიძინა ბუნიანი: - ამ ცენტრში განხილულა ისეთი საკითხები, რომლებიც ქართველთა და აფხაზთა ერთობის აღდგენას ემსახურება. ყოველივე ეს სრულიად საქართველოს კათოლიკოს-პატრიარქის ლოცვა-კურთხევით ხორციელდება.

დღეს ერთ-ერთი ლამაზი დღე გახლავთ - საქართველოში მოღვაწე უნიჭიერესი კაცის, ბატონი გივი შაჰნაზარის საღამო, რომელმაც დამსწრე საზოგადოება შეახვედრა ამ მართლაც ღვთივეკურთხეული და ნიჭიერი პიროვნების შემოქმედებას.

მადლობა უფალს, რომ მოგვცა საშუალება ერთი ლამაზი საღამო, ერთი მშვიდობიანი საათი გვეჩუქებინა ერთმანეთისთვის.

ბიძინა შაჰნაზარი: - დიდი ურთიერთობები მქონდა აფხაზ მწერლებთან, მათ ლიტერატურასთან. ჩვენ მრავალი ერთობლივი კონფერენცია გაგვიმართავს. კულტურითა და ლიტერატურით უნდა დაეკავშირებოდით ერთმანეთს და სისხლხორციული ურთიერთობა გვექონოდა ყველასთან, ჩვენთან იყო ყველა, ვინც კი საქართველოში ცხოვრობდა. უფალმა ინებოს, რომ ეს ურთიერთობები კვლავაც აღდგეს და გაგრძელდეს სამომავლოდ.

ლიუ ჟანდარელი-კუანგვიანი: - რაც შეიძლება ხშირად უნდა შეხვედეთ ადამიანები ერთმანეთს. ამას დიდი მნიშვნელობა აქვს თითოეული ჩვენგანისათვის და განსაკუთრებით აფხაზეთიდან გამოსულთათვის, რომელთა მეორე თაობა გამზარდა უკვე. ძალიან კარგ საქმეს აკეთებს ცენტრი. მე მჯერა, რომ აფხაზეთი დაუბრუნდება საქართველოს.

ხალხურის დანარჩენი მნიშვნელოვანი დოკუმენტი

2017 წლის 22 მაისს აფხაზეთის სულიერებისა და კულტურის ცენტრსა და სოხუმის სახელმწიფო უნივერსიტეტს შორის აფხაზეთიდან იძულებით გადაადგილებულ პირთა სულიერი და მოქალაქეობრივი თვითშეგნების ამაღლების ხელშეწყობის, საქართველოს საპატრიარქოსთან არსებულ დაწესებულებებთან კავშირის გაღრმავების, დევნილთა პროფესიული მომზადებისა და გადამზადების, ნარკომანიის წინააღმდეგ ბრძოლისა და ჯანსაღი ცხოვრების წესის დანერგვის,

ვის, აფხაზეთის ტერიტორიაზე არსებული ისტორიულ-კულტურული ფასეულობების მქონე საეკლესიო ნაგებობებისა და საგანძურის დაცვისა და მოვლა-პატრონობისათვის ერთობლივი პროგრამების განხორციელების მიზნით გაფორმდა ურთიერთთანამშრომლობის მემორანდუმი. მემორანდუმს ხელი მოაწერეს აფხაზეთის სულიერებისა და კულტურის ცენტრის თავმჯდომარე სვეტლანა ქეცბამ და სოხუმის სახელმწიფო უნივერსიტეტის რექტორმა ჯონი ავაქიძემ.

გაჟა, ღუმილის მიმართული შენაღვი ლოსკვად...

2017 წელი ბარათაშვილის წელია. 200 წელი გავიდა ნიკოლოზ ბარათაშვილის დაბადებიდან. სათანადოდ ვერც შარშან რუსთაველის იუბილე აღინიშნა, ვერც წელს – ბარათაშვილის. თუმცა ცალკეულ დაწესებულებებში – სკოლებში, უნივერსიტეტებში, კულტურის ცენტრებში კარგად ახსოვთ და აფასებენ წინაპრებს, რომლებიც სულიერების შენარჩუნებაში, ეროვნული სულის აღზევებაში გვეხმარებიან მარადიულად. ერთი ასეთი, შეიძლება ითქვას, გამორჩეული კერა საზოგადოებრივი და შემოქმედებითი ცხოვრებისა გახლავთ აფხაზეთის სულიერებისა და კულტურის ცენტრი. ამ ცენტრის თაოსნობით მათსავე დარბაზში გაიმართა ნიკოლოზ ბარათაშვილის 200 წლისთავისადმი მიძღვნილი ლიტერატურულ-მუსიკალური საღამო „ჩემი ლოცვა“ (29 მაისი).

პოეტის ცხოვრებისა და შემოქმედების შესახებ საუბარი მე დამევალა. ამ საპატიო როლში მყოფმა, ვთქვი, რომ თუ გვსურს ევროპის ნიაღში კვლავ დაბრუნება და ღირსეულად წარმოჩენა, ამ გზაზე ერთი უპიროველესი მეგზური ჩვენთვის სწორედ ბარათაშვილი უნდა იყოს – ევროპული რანგის პოეტი, სრულყოფილიანი მონაწილე თავისი დროის მსოფლიოს ლიტერატურული პროცესებისა. სამწუხაროდ, მსოფლიოსთვის დღემდე შორეულად და თითქმის უცნობად დარჩენილი.

ჯერ კიდევ სტუდენტობა ილია ჭავჭავაძე, გაცნო რა ეკატერინე ჭავჭავაძის მეოხებით, პოეტის შემოქმედებას, მაშინვე მიხვდა, რომ მსოფლიო რანგის გენიოსთან ჰქონდა საქმე. მწარედ დაიტირა წლების წინ გარდაცვლილი, მისთვის უცნობი სულიერი ძმა:

„არა დედ-მამა, მაგ სიკვდილით დაობლდა ერი, ვინლა მოგვითხრას ჩვენ ქირი, ურვა და ლხენა?! ვაი ჩვენ, თვარამ შენ მით მაინც ხარ ბედნიერი, რომ შენი ლექსი თვით მკვდრეთითაც აღგადგენს შენა!“

ისიც აღნიშნა, ბარათაშვილმა ქართველიც მსოფლიოს წყურვილის მოსაკლავ ნყაროს დაანაფაო.

სიმბოლური გახლდათ, რომ საუბარი დავიწყეთ ერეკლეს ლოცვით. ნაწყვეტი პოემიდან „ბედი ქართლისა“ ნაიკითხა სოხუმის უნივერსიტეტის სტუდენტმა ელენე ჩხეიძემ. მანვე გაახმოვანა სატრფიალო ლირიკის სტუდენტური „საყურე“ და ბოლოს მისივე შესრულებით მოვისმინეთ „ჩემი ლოცვა“.

გავისხენე სიმონ ჩიქოვანის ლირიკული პოემა ბარათაშვილზე, პავლე ინგოროყვას გამოკვლევა (ბიოგრაფიული რომანის ტოლფასი), ბარათაშვილის სულიერი სიახლოვე ბაირონთან... დავიმონძე ნაწყვეტები პოეტის შედევრებიდან და კერძო წერილებიდან, გამოვთქვი რწმენა, რომ რაც დრო გავა, ბარათაშვილის პოეზია მეტად დაფასდება მთელ

მსოფლიოში...

მეორე ნაწილი მთლიანად ნიკოლოზ ბარათაშვილის ლექსებზე შექმნილ მუსიკალურ ნაწარმოებებს დაეთმო. მანამდე კი საგანგებოდ აღინიშნა ისიც, რომ ბარათაშვილის ოჯახში მრავალგვარი საკრავი იყო. პოეტის და იგონებს, თვითონ ტატომ დაკვრა არ იცოდა, მაგრამ მუსიკა უყვარდაო. მეგობრობდა თურმე მუსიკოსებთან. სალონებში კი მის ლექსებზე დაწერილ სიმღერებს მღეროდნენ ყელმოღერებული ბანოვანნი თუ ყმანვილკაცები.

შემთხვევით არ მომხდარა, რომ საღამო გახსნა თბილისის გოგონათა ანსამბლმა, ხელმძღვანელი – ომარ ბურდული, რომელმაც ოსტატურად შეასრულა თანამედროვე გორელი კომპოზიტორის ჯემალ ბეგლარიშვილის გუნდი „შევიშრობ ცრემლსა“.

შემდეგ კი დარბაზი სულგანაბული უსმენდა აღიარებული, კარგად ცნობილი კომპოზიტორების: ზაქარია ფალიაშვილის, გოგი ჩლაიძის, ვახტანგ მაჭავარიანის, არჩილ ჩიმაკაძის, ვაჟა აზარაშვილისა და ოთარ თაქთაქიშვილის ნაწარმოებებს.

მეგი ჩიხრაძემ, ავტორთან -გიორგი ჩლაიძესთან, ლამა სესიტამვილმა კონცერტმასტერ მაია ფერაძესთან, ქეთევან სიხარულიძემ დირიჟორ ვახტანგ მაჭავარიანის აკომპონიმენტით, თემურ გუგუშვილმა ლელა უსეინაშვილის საფორტეპიანო თანხლებით, ელდერ გენაძემ და დარეჯან მახაშვილმა თავიანთი საშემსრულებლო დონით დაატყვევეს მსმენელი და მათი გულწრფელი ტამი დაიმსახურეს.

შესრულებასთან ერთად აუდიტორია მოიხიბლა გოგი ჩლაიძის, ვახტანგ მაჭავარიანისა და ელდარ გენაძის საუბრით შესასრულებელი ნაწარმოების შესახებ.

ბოლო მუსიკალური ნომერი გახლდათ ოთარ თაქთაქიშვილის რომანსი „ლოცვა“, რითაც შეიკრა კიდევ ნიკოლოზ ბარათაშვილისადმი მიძღვნილი ეს მუსიკალურ-ლიტერატურული კომპოზიცია.

არადა, მთელი შეხვედრის ლაიტმოტივი მაინც ის სიტყვები იყო პოეტისა, დასაწყისშივე რომ გახმოვანდა:

„გვესწრაფე, ჩვენო ხელთამაყობლო და აღადგინე დღეს საქართველო!“

დასასრულს, საღამოს ნამყვანმა მხურვალედ გვისურვა მსგავსი საღამოების სოხუმში გამართვას მოვესწროთო და ამ იმედითა და რწმენით დავიმშალეთ.

ნინო პახანიძე, სოხუმის სახელმწიფო უნივერსიტეტის პროფესორი



# „ფეხზე დაგიდგები, ჩემო საქართველო...“

18 ივნისს აფხაზეთის სულიერებისა და კულტურის ცენტრში მომღერალ ავთანდილ შარვაძის 70 წლის იუბილე აღინიშნა. ქართველ ბარდს, პროფესიით არქიტექტორს, მიღებული ჰქონდა პროფესიული სამუსიკო განთლება (კონტრაბასის სპეციალობით). მან თბილისის სამხატვრო აკადემიაში ჩამოაყალიბა პირველი საესტრადო ანსამბლი, რომლის წევრებიც იყვნენ ზურაბ მანაგაძე, მერაბ ანდრონიკაშვილი, ნუგზარ ერგემლიძე და სხვები. მისი სიმღერები: „ფეხზე დაგიდგები, ჩემო საქართველო“, „გიორგობისთვე“, „თაფლისთვალა“, „შემოდგომა“, „სავარდო და სამაისო“, „წითელფეხება მტრედებო“ ტრადიციულ ქართულ ფესვებზეა აღმოცენებული და იმავდროულად თვითმყოფი ავტორის ნიშნითაა გამოჩენილი.

საგულისხმოა, რომ ავთო შარვაძე სიმღერების უმრავლესობას საკუთარ ტექსტებზე ქმნიდა და თავადვე ასრულებდა. უკრავდა თავის განუყრელ გიტარაზე მხოლოდ მისთვის დამახასიათებელი მანერით. ავთო შარვაძის არაერთი სიმღერა დღეს ქართულ პროფესიულ ესტრადაზე არაერთი პოპულარული მომღერლისა და ანსამბლის რეპერტუარშია.

სალამო მიჰყავდა დეკანოზ ბიძინა გუნიას. ნაჩვენები იქნა რეჟისორ კახაბერ კახაბრიშვილის დოკუმენტური ფილმი ავთანდილ შარვაძეზე „ცაში დაფერფლილი ვარსკვლავი“. სალამოზე მომღერალი მოიგონეს მისმა მეგობრებმა, ახლობლებმა. ბოლოს ვოკალურმა ტრიო „თბილისმა“ შესრულა იუბილარის რამდენიმე სიმღერა.

# „დიდ ხარ შენ, უფალო...“

საოცარი დღე იყო 28 მაისი. წინაპართა სისხლითა და მადლით გაჯერებული კიდე ერთი წმინდა ადგილის მოსალოცად გავემართეთ დეკანოზ ბიძინა გუნიას მრევლი. ამჯერად გეზი ქვათახევის მონასტრისაკენ ავიღეთ.

ქვათახევის სამონასტრო კომპლექსი კასპის რაიონში, სოფელ წინარეხიდან 5 კმ-ზე, მდინარე კავთურას ხეობაში მდებარეობს. იგი ქართლის უმთავრეს მონასტრად ითვლებოდა და დიდებულია მფარველობის ქვეშ იყო. იოსელიანის და ისტორიკოსთა ერთი ნაწილის აზრით, ქვათახევი XV საუკუნემდე დედათა მონასტერი ყოფილა, შემდეგ კი მამათა მონასტერი დაარსებულა. 1386 წელს თემურ-ლენგის მორიგი ლაშქრობის დროს მონასტერი აიკლეს, „განიტაცეს ჭურჭელნი და გამოიღეს სიმდიდრენი მონასტრისა საუფჯეთა არა მცირენი, რამეთუ ფრიად მდიდარ იყო მონასტერი იგი“, ხოლო მონასტერში თავშეფარებული „მონაზონნი, მრავალნი მამანი და დედანი, აზნაურთაგანნი და მღვდელნი და დიაკონნი“ და მალულად ამოსული სოფლის მაცხოვრებლები სასტიკად დაარბიეს, ხოლო შემდეგ, როდესაც ქრისტიანობის უარყოფაზე უარი მიიღეს, ერთად გამოკეტეს ყველა და ტაძარი ცეცხლს მისცეს. დარბეული მონასტერი შემდგომ მეფე ალექსანდრე დიდმა (1412-1442) აღადგინა. აქედან მოყოლებული მონასტერი იმდენად წმინდად ითვლებოდა, რომ იქ ქალს ფეხი აღარ დაუდგამს. 1735-1740 წლებში მონასტერი დაიკეტა, ხოლო მონასტერში დაცული სიმნიდეები მონასტრის ახლოს, გამოქვაბულში გადაამალეს. XVIII საუკუნის ბოლოს ტაძარი ისევ მოქმედი გახდა, ხოლო 1809 წელს არქიმანდრიტ

დოსითეოსის მეშვეობით გადამალული განძი აღმოჩენილ იქნა და კვლავ მონასტერს დაუბრუნდა.

გადმოცემით, ტაძრის საძირკველში ღვთისმშობლის სამოსლის მცირე ნაწილია ჩატანებული და ტაძარიც მისსავე სახელს ატარებს. აქვე დავანებულია ქრისტიანული ეკლესიის უდიდესი სიმინდე წმ. იოანე ნათლისმცემლის წმინდა ნაწილი და ღვთისმშობლის მიძინების სასწაულთმოქმედი ხატი, რომლის წინაშეც უშვილო მშობლები ევედრებიან ყოვლადწმინდა დედას.

თბილისიდან ნასულეებს გზაში წვიმა წამოგვეწია, ადგილ-ადგილ ისეთი თქემი მოდიოდა, ცოტა ეჭვიც კი შეგვეპარა, მონასტერში ასვლას შევძლებდით თუ არა. მაგრამ რაც უფრო ვუახლოვდებოდით წმიდა ადგილს, ამინდიც იცვლებოდა და ქვათახევეში ასულეებს მხოლოდ ნაწვიმარი მდელიო დაგვხვდა.

საოცარი გრძნობა დაგვეუფლა, როდესაც იმ დარბაზში შევედით, სადაც უწყალოდ დარბეულ წინაპართა ნაკვალავი დღესაც ჩანს. მამა ბიძინამ საჯანმრთელო პარაკლისი გადაიხადა და ყველანი ვემთხვიეთ ჯვარს, რომელშიც წმ. იოანე ნათლისმცემლის წმიდა ნაწილია დავანებული. გარეთ გამოსულეებს თავი პატარა სამოთხეში გვეგონა - ღრუბლებში თავნარგული მთები, ამაყად მდგარი ტაძარი, პირველყოფილი სიმწვანით მოზიზინე მდელიო და რამდენიმე ბატკანი... რწმენამ მოიყვანა აქამდე ყოველივე ეს და რწმენა გადაგვარჩენს.

ქეშმარიტად, „დიდ ხარ შენ, უფალო...“

ციცინო ჯუღუხიძე

# ფეხუცავი რეცრის სცუმროზს

საქართველოს პარლამენტის ვაკის რაიონის მაჟორიტარი დეპუტატი, ფრაქცია „ქართული ოცნება-დემოკრატიული საქართველო“ წევრი ზაზა ხუციშვილი 12 აპრილს აფხაზეთის სულიერებისა და კულტურის ცენტრს ეწვია.

შეხვედრას გაცნობითი ხასიათი ჰქონდა. ცენტრის თავმჯდომარე სვეტლანა ქეცბა სტუმარს აფხაზეთის სულიერებისა და კულტურის ცენტრის საქმიანობის შესახებ ესაუბრა, განხორციელებული მნიშვნელოვანი პროექტები გაიხსენა და ცენტრის მიერ დასახულ ახალ იდეებსა და ინიციატივებზე გაამახვილა ყურადღება. შეხვედ-

რაში მონაწილეობდნენ, აგრეთვე, ცენტრის თანამშრომლები. მათ განცხადებებში გამოიკვეთა, რომ ორგანიზაციის მთელი ძალისხმევა მიმართულია აფხაზეთიდან დევნილი საზოგადოების სულიერების ამაღლებაზე, მათთვის განვლილი უმძიმესი განსაცდელის შემსუბუქებასა და მომავლის იმედისა და რწმენის გაძლიერებაზე.

„საინტერესო და საქმიანი“ - ასე შეაფასა შეხვედრა დეპუტატმა ზაზა ხუციშვილმა, აფხაზეთის სულიერებისა და კულტურის ცენტრთან მომავალი თანამშრომლობის მზადყოფნა გამოთქვა და კონკრეტული საკითხების გადაჭრაში მხარდაჭერა აღუთქვა.

# სააღდგომოდ...

\*\*\*

კომპანია „S Room“-ის ინიციატივითა და აფხაზეთის სულიერებისა და კულტურის ცენტრის ორგანიზებით 13 აპრილს საქველმოქმედო სააღდგომო აქცია გაიმართა. ესთეტიკური მედიცინის ცენტრ „დერმასა“ და კომპანია „S Room“-ის დამფუძნებელმა სალომე სურგულაძემ აფხაზეთიდან და ცხინვალის რეგიონიდან დევნილ 20 ბავშვს საჩუქრები გადასცა. სალომე სურგულაძე აფხაზეთის სულიერებისა და კულტურის ცენტრთან მდებარე კომპაქტურ ჩასახლებას ესტუმრა,

ადგილზე გაეცნო დევნილი ოჯახების საცხოვრებელ პირობებს და მათ აღდგომის ბრწყინვალე დღესასწაული მიულოცა. აფხაზეთის სულიერებისა და კულტურის ცენტრის თავმჯდომარე სვეტლანა ქეცბამ მადლობა გადაუხადა აქციის ორგანიზატორებს: „დღეს ძალიან დიდი სიხარულისა და ბედნიერების დღეა ჩვენი დევნილი ბავშვებისათვის სამხრეთ ოსეთიდან და აფხაზეთიდან. არ შემიძლია ემოციების გარეშე იმაზე საუბარი, თუ როგორ მდგომარეობაში იმყოფებიან დღეს ისი-

გაგრძელება მე-8 გვ.

დასაწყისი მე-7 გვ.

ნი. მინდა მადლობა გადავუხადო ყველას, ვინც მონაწილეობდა საქველმოქმედო აქციაში, განსაკუთრებით ინვესტორებს, რომლებიც დღეს ჩვენს ოფისში მობრძანდნენ თავიანთი პროდუქციით. მსგავსი ღონისძიებები დიდი სიხარულის მომტანია პატარებისთვის". საქველმოქმედო აქციაში მონაწილეობის მისაღებად კომპანია „Humana“-ც ხელდაშვებულნი გვესტუმრა და ბავშვები დაასაჩუქრა.

\*\*\*

8 აპრილს ელენე ახვლედიანის სახელობის გალერეაში ბავშვთა ნახატების ტრადიციული „სააღდგომო გამოფენა“ გაიხსნა. როგორც ყოველ-

თვის, გამოფენა ამჯერადაც მრავალფეროვანი იყო: აქ შეხვდებოდით როგორც ბიბლიურ სიუჟეტებს, ასევე პეიზაჟებს, ნატურმორტებს, პორტრეტებს... მონონება დაიმსახურა, აგრეთვე, გამოყენებითი ხელოვნების ნიმუშებმა: თექამ, ძერწვამ.

გამოფენა გახსნეს გალერეის დირექტორმა ლიანა გორგაძემ და საგანმანათლებლო განყოფილების გამგე მარინა თაბორიძემ. ბავშვებს აღდგომის დღესასწაული მიულოცეს ხელოვნების სკოლის პედაგოგმა უშანგი ლონდარიძემ, აფხაზეთის სულიერებისა და კულტურის ცენტრის წარმომადგენელმა ლილა ბაღბაიამ, სოლი კო ვირსალაძის სახელობის #1 სამხატვრო ხელოვნების სკოლის დირექტორმა ქეთევან ბარნაბიშვილმა. გამოფენის ყველა მონაწილეს გადაეცა დიპლომი.

ბავშვთა დაცვის სამართლებრივი დღე

\*\*\*

ბავშვთა დაცვის საერთაშორისო დღეს, კომპანია „S Room“-ის ინიციატივით აფხაზეთიდან დევნილი 20 ბავშვი დასვენებისა და კულტურის პარკ მუშტაიდას ეწვია. ბავშვებს მთელი დღის განმავლობაში პარკის სხვადასხვა ატრაქციონზე უფასოდ გართობის საშუალება მიეცათ.

კომპანია „S Room“-ის დირექტორმა სალომე სურგულაძემ ღონისძიებაზე აფხაზეთიდან დევნილ მოზარდებს ბავშვთა დაცვის საერთაშორისო დღე მიულოცა, გასართობ პარკში დასასწრები აბონემენტები გადასცა და „გურჯაანის ნაყინი“ დაურიგა. საქველმოქმედო აქციაში აფხაზეთის №2 საჯარო სკოლის მოსწავლეებმა და საქველმოქმედო სახლ „მომავლის გზის“ აღსაზრდელებმა მიიღეს მონაწილეობა.

ღონისძიება კომპანია „გურჯაანის ნაყინის“ მხარდაჭერითა და აფხა-

ზეთის სულიერებისა და კულტურის ცენტრის ორგანიზებით გაიმართა.

\*\*\*

ბავშვთა დაცვის საერთაშორისო დღესთან დაკავშირებით, აფხაზეთის სულიერებისა და კულტურის ცენტრის ორგანიზებით და საბავშვო ანსამბლ „გვირილას“ ხელმძღვანელობის მხარდაჭერით, 2017 წლის 3 ივნისს, აფხაზეთიდან დევნილი 20 მოზარდი, ფილარმონიის დიდ საკონცერტო დარბაზში, ანსამბლის გალა კონცერტს დაესწრო.

კონცერტს „20 წელი სცენაზე“ დაესწრნენ აფხაზეთის №2 და №3 საჯარო სკოლების მოსწავლეები. ულამაზეს მუსიკალურ წარმოდგენაში, „გვირილას“ აღსაზრდელების გარდა, საზოგადოებისთვის ცნობილი და საყვარელი სახეები მონაწილეობდნენ: მსახიობები გივი სიხარულიძე და ლაშა რამიშვილი, მოცეკვავე ომარ მხეიძე და მომღერალი ბორის ბეგია. საღამოს ნუგზარ კვაშალი და პროექტის ავტორი ნინო ჩიხლაძე უძღვებოდნენ.

„ცოცხალი წიგნები - 2017“

გუშინ დავბრუნდით თბილისში საქართველოს კულტურისა და ძეგლთა დაცვის სამინისტროს პროექტის – „ცოცხალი წიგნების“ მონაწილენი, პირველი ჯგუფი. საკუთარი და მეგობრების წიგნებით ვესტუმრეთ ქვემო ქართლს, დმანისსა და ბოლნისს, შიდა ქართლს, გორსა და ხაშურს, ბორჯომის რაიონს.

კიდევ ერთხელ დავრწმუნდი იმაში, რომ პროექტი საჭიროც არის და აუცილებელიც. სხვა რომ არაფერი, მკითხველები ყოველ ჯერზე გველოდებიან, საგანგებოდ ემზადებიან, თავადაც კითხულობენ ლექსებსა თუ მოთხრობებს, ინტერესდებიან თანამედროვე ლიტერატურული პროცესებით, ახალი გამოცემებით და ა. შ.

სხვადასხვა რაიონში სტუმრობა დაგანახებს იმასაც, რომ საგანმანათლებლო (სასკოლო, საბიბლიოთეკო, სამუზეუმი) საქმე ყველგან ერთნაირ (სათანადო) დონეზე ვერ არის. ზოგან ამ კუთხით კიდევ უამრავი რამაა საკეთებელი.

ქვემო ქართლით დავიწყეთ, დმანისითა და ბოლნისით.

პირველად ვესტუმრე ამ რაიონებს. ბოლნისის სიონი, ადრეული ქრისტიანული ხუროთმოძღვრების ეს შედევრი, ქვისა და ნივნიერების შიშნია. ნირვას შევესწარი. ჭიმკრამდე შრიალა იასამანმა მოგვაცლია.

ბოლნისელებს ზეიმი გაუმართავთ. კაზრეთში, ოქროს მთებს შორის, აკვამარინის შადრევანია. ამ შადრევანის გარშემო მთელი რაიონის ისტორია და თანამედროვეობა გამოფენილი: ეკატერინფილდის კირხე (რომლის აღდგენაც პირვანდელი სახით იგეგმება), შვაბების ჩამოსახლება, ხელნაკეთი ხალიჩები და თექა, ხის ჭურჭელი და სუვენირები, ხალხური საკრავები, წიგნები. მწვანე (ზუნებრივ) სცენაზე ჩვენ და ადგილობრივი ფოლკლორული კოლექტივები ერთმანეთს ვენაცვლებით. ბავშვები აქტიურობენ, საბავშვო ლექსებს ვიხსენებთ და ვამბობთ კიდევ. საპასუხო ლექსებით გვეგებებიან. ეს ყველაფერი ბოლნისის რაიონის კულტურის სამსახურის ხელმძღვანელის, ბატონი კობა ჟღენტის ორგანიზებულია. სამაგალითო ხელმძღვანელია – თავის რაიონსა და საქმეზე უზომოდ შეყვარებული, ყველა დეტალში ჩახედული და გარკვეული. რაიონის „მაჯისასა შემტყვევარი“. თვითონვე გვმასპინძლობს როგორც ღონისძიებაზე, ისე გერმანულ ნისქვილში. ნისქვილამდე პეტრე-პავლეს ახალაგებულ სამონასტრო კომპლექსს მოგვატარებს... დაუვიწყარია ეს შთაბეჭდილებები. ელიას მთიდან, რომელზეც 2014 წელს ეს კომპლექსი აშენდა, მთელი რაიონი ხელისგულივით ჩანს. შორს ამაყი გედევით იღერებს ყელს წულღულაშენი...

დიდი საქმე წამოწყდა და ლამაზად დაუსრულებათ კიდევ გორის რაიონის სოფელ ზემო ნიქოზის მოზარდებს. რაიონის კულტურის სამსახურის თანადგომით მათ სოფლის ადმინისტრაციულ შენობაში ბიბლიოთეკა მოაწყვეს, შელესეს, შელესეს, წიგნები შეიტანეს და ლამაზ თაროებზე გასაფხულის ყვავილებთან ერთად ჩამოამწკრივეს. ბიბლიოთეკის გახსნაზე „ცოცხალი წიგნები“ დაპატიჟეს. ანათებდნენ ბავშვებიცა და ოთახიც, რომ შევედით. მოგესხენებათ, ზემო ნიქოზი კონფედერაციისპირა სოფელია. ცხინვალამდე ხელის განვდენა. აქ გაკეთებული ყოველი სიქველე მნიშვნელოვანია და წარმოსაჩენი. ბევრ რამეზე ვისაუბრეთ. ხელახალი შეხვედრის იმედითა და სურვილით დავემშვიდობეთ ნიქოზელებს. შემდეგ იყო ვარიანი, დიდი იაკობ გოგებაშვილის სახლ-მუზეუმი, კობტა და მოვლილი, როგორც „დედაენის“ შექმნელს შეეფერება, ლეღე, ოქროს თევზები და ოქროს ძაღლი ეზოში, კიდევ ქარი და აპრილის ტირიფი... არ დავიწყებ იმაზე საუბარს, თუ რატომ არ (თუ ვერ) მოვიდნენ შეხვედრაზე ვარიანელი ახალგაზრდები. უბრალოდ ვიტყვი, რომ ყველგან პოლიტიკური ნიუანსების გარევა სიბეცის ნიშანია. „ცოცხალი წიგნები“ ლიტერატურული და კულტურული პროექტია და არა წინასაარჩევნო პიარ-კამპანია, როგორც თურმე ზოგიერთს წარმოუდგენია.

გორში დიდი ბელადის სახლ-მუზეუმი დავათვალიერეთ მე და ნიკა ჩერქეზიშვილმა. უამრავი საინტერესო ექსპონატია აქ. უნიკალური მუზეუმი ყველა პარამეტრით, ყველა თაობამ რომ უნდა ნახოს, ისეთი.

ღამე ქუთაისის ქუჩაზე მდებარე „Nitsa guest house“-ში გავათენეთ. მშვენიერი მასპინძელი ქალბატონი ლია ღიმილით დაგვიხვდა და ღიმილითვე დაგვემშვიდობა.

ხაშურისკენ დავიძარით, სადაც სოფელ ქვიშხეთში, დიმიტრი ყიფიანის წმინდანად შერაცხვის დღისადმი მიძღვნილ ღონისძიებაზე გველოდნენ. სავეალალო მდგომარეობაშია ამ დიდი მოღვაწისა და ან უკვე წმინდანის სახლ-მუზეუმი, სადაც ასევე უნიკალური ექსპონატებია წარმოდგენილი. მასპინძლებმა (მათ შორის, რაიონის ხელმძღვანელმა პირებმა) გვითხრეს, რომ შესაბამისი ტენდერი შედგა და ორ წელიწადში სახლ-მუზეუმი განახლებული სახით დაუბრუნდება ქვიშხეთში ამოსულთ. ულამაზესი ღონისძიება გაიმართა მუზეუმის ეზოში, სიმღერებით, ცეკვებით, ლექსებით... მას ბევრი სტუმარი დაესწრო, ადგილობრივი თუ დედაქალაქიდან და სხვა რაიონებიდან ჩამოსული.

ქვიშხეთიდან ბორჯომის რაიონის სოფელ ტაძრისისკენ დავიძა-



რით. გზა ულამაზეს ხეობას მიუყვება... რველი – თეთრ მტრედებს ჰგვანან სტუდენტობისდროინდელი მოკონებები... და ვიყურები ფანჯრიდან და მიყურებენ ზურმუხტისფერ ქურქიანი მთები, წინვინი ხეები რომ წამნამებევით აუბრისავთ... აღმართია, მერე კიდევ აღმართი, თოვლიანი ხედები ახლოვდება, გეჩვენება, რომ გაინვდენ ხელს და გუნდაც შეიკვრება. ამ აპრილის მინურულს, ამ გადარეული ხეხილის ფონზე თეთრნაბდინი ზამთარი აბაკუნებულა სოფელ ტაძრისში...

სასეა ტაძრისის საშუალო სკოლა, რომელშიც თურმე ორასორმოცდაათამდე ბავშვი სწავლობს – პატარები, მასწავლებლები, ბიბლიოთეკარები, ბორჯომიდან და მეზობელი სოფლებიდან ჩამოსული სტუმრები... გამოგვიტყდნენ, რომ ნოდარ დუმბაძის ქალიშვილებს ელოდნენ, საგანგებოდ დაუდგამთ ლიტერატურული წარმოდგენა, დიდი მწერლის ლექსებსა და მოთხრობებს კითხულობენ, იეზუიტთა მოქარგული სტენდია კედელზე, მწერლის თითქმის ყველა გამოცემა დევს ხის ძველბუნებურ მაგიდაზე... სასწაული ბავშვები არიან! მსმენელიც ასეთივე – ყურადღებიანი, განათლებული, უშუალო. თავიანთ ლექსებს გვიკითხავენ იქაური ქალბატონები, ჩვენ ჩვენსას ვუკითხავთ. ჩემი მეგობრის

მონიკა ჭანტურისა ნახვა მახარებს! სამი შვილის დედაა, ბორჯომში ცხოვრობს, ორ ადგილას მუშაობს, ყველა წუთი დათვლილი აქვს. აბა, როგორ არ მოვიდოდით, მეუბნება...

ადგილობრივ ბიბლიოთეკას „ცოცხალი წიგნების“ საჩუქარი შეემბატა – ახალი წიგნები და ჟურნალები. ვათვალიერებთ – მშვენიერი წიგნადი ფონდია!..

გარეთ გავრბივარ, ფოტოაპარატით კიდევ უფრო ვცდილობ ტაძრისის თოვლის მოახლოებას... რა კარგია, ადამიანები რომ უახლოვდებიან ერთმანეთს, აგერ ჩემი მეგობრები, შესანიშნავი ავტორები, ვისთან ერთადაც ეს სამი დღე გავატარე – მარიამ ნიკლაური, ნიკა ჩერქეზიშვილი, ნინო გუგუშაშვილი, ირმა ბერიძე, კატო ჯავახიშვილი, ლელა ცუცქერიძე, გიორგი კაკაბაძე, აგერ ამდენი მასპინძელი და სტუმარი! აგერ ჩემი დალოცვილი ქვეყანა! მაღლობა მათ!..

...და ასე ვივლი, სანამ ცოცხალი ვარ, გულიდან – გულში, მთიდან – ბარში, ბარიდან – მთაში... მაღლობა უფავლს!

რომპრტ მისხი  
25-27 აპრილი, 2017

## საგულისხმო ამბები

### 17 მაისი - ოჯახის სიწმიდის დღე

სრულიად საქართველოს კათოლიკოს-პატრიარქის, უწმიდესისა და უნეტარესი ილია II კურთხევით 17 მაისს უკვე მეოთხედ აღინიშნა ოჯახის სინამდისა და მშობლების პატივისცემის დღე. თბილისში შემობრძანდა ორი ხატი - ანკურის ღვთისმშობლისა, რომელმაც მსვლელობა აჭარადან დაიწყო 10 მაისს და ივერის ყოვლადწმიდა ღვთისმშობლის ხატი, რომელიც მსველელობას სვეტიცხოველში შემოუერთდა.

თბილისის წმ. ალექსანდრე ნეველის სახელობის ტაძრის დეკანოზ ბიძინა გუნიას მრევლი აფხაზეთის სულიერებისა და კულტურის ცენტრის თანამშრომლებთან ერთად ოპერის თეატრის მიმდებარედ აღნიშნავდა ამ დღესასწაულს. კონცერტის შემდეგ, რომელშიც ლექსი სიმღერას ენაცვლებოდა, შემობრძანებულ ხატებთან ერთად მრევლმა წმ. სამების საკათედრო ტაძარში გადაინაცვლა, სადაც უწმიდესმა და უნეტარესმა პარაკლისი გადაიხადა, დალოცა ოჯახები, მრევლი და სრულიად საქართველო.

### მმართველობის უზენაესი პალატი

2017 წლის 18 აპრილს TBC გალერეაში გაიმართა გურამ ოდიშარის აფხაზურ ენაზე თარგმნილი რომანის "პრეზიდენტის კატის" პრეზენტაცია.

\*\*\*

2017 წლის 9 მაისი. ტარტუ. ესტონეთი. გურამ ოდიშარის რომანის "პრეზიდენტის კატის" პრეზენტაცია.

\*\*\*

29 მაისს, თბილისში, მესამე საერთაშორისო ლიტერატურული ფესტივალის გახსნისას, ჰომეროსის მედლის საერთაშორისო კომისიის (ბრიუსელი) გადამწყვეტილებით მწერალი გურამ ოდიშარია დაჯილდოვდა „პოეტებისა და ხელოვანთა ევროპული მედლით – ჰომეროსი“. ჯილდო გადასცა ჰომეროსის მინიჭების საერთაშორისო კომისიის თავმჯდომარემ ბატონმა დარიუმ ტომამ ლებიოდამ და იმავე კომისიის წევრმა, ჰომეროსის მედლის კავალერმა, ბატონმა გაგიკ დავთიანმა.

### 30ტალი დგასელონის სხპლობის

#### სამართლებრივი ტექნიკის

20- 25 აპრილს, თბილისში, 2001 წელს დაბადებულ ფეხბურთელთა შორის, უეფას თასთა მფლობელთა თასის ფინალში, გერმანულ „კარლ ცაისთან“ გატანილი მეორე, გამარჯვების გოლის ავტორის ვიტალი დარასელიას სახელობის საერთაშორისო ტურნირი ჩატარდა.

შეჯიბრი უკვე მეორედ გაიმართა და მასში, თბილისის „დინამოს“, გარდა, მონაწილეობდნენ: მილანის „ინტერი“, კიევის „დინამო“, ჰოლანდიური „ალკმარის“(პირველი ტურნირის მონაწილე და თასის მფლობელი ), ბელგიური „გენტი“, ზაგრების „დინამო“, აზერბაიჯანული „გაბალა“ და თურქული „ტრაბზონსპორი“. მატჩები

დინამოს აკადემიის ტერიტორიაზე ჩატარდა, ხოლო ფინალური შეხვედრა, 25 აპრილს, დინამო არენაზე შედგა. წელს ფინალში გასულ ჰოლანდიის „ალკმარისა“ და კიევის „დინამოს“ შორის შეხვედრის ძირითადი დრო ფრედ 1:1 დასრულდა, თერთმეტმეტრიანი საჯარიმო დარტყმების სერიამ კი უკრაინელებმა 4:2 იმარჯვეს.

ვიტალი დარასელიას სახელობის თასის მფლობელი კიევის „დინამო“ გახდა, ტურნირის საუკეთესო მოთამაშის პრიზი კი კიევის „დინამოს“ ფეხბურთელ მაქსიმ ზავჰოროდნის გადაეცა.

### გაგვიმთავროს დავითი გული...

საქართველოს მწერალთა კავშირში 21 აპრილს გაიმართა შეხვედრა წმ. ილია მართლის ორდენოსან ზურაბ მამულაშვილთან. საქართველოს მწერალთა კავშირის წევრს, პოეზიის მაღლი სიყრმიდანვე დაჰყვა. მიუხედავად გადატანილი უძიმესი ტრავმისა, მან შეძლო შეენარჩუნებინა სულის სიმტკიცე და ცხოვრების ხალისი. იგი დაუღალავი, ინიციატივითა და პიროვნებაა, რომელიც დიდ მნიშვნელობას ანიჭებს შშმ პირების საზოგადოებაში ინტეგრაციას. პოეტის ლექსები სამშობლოს უსაზღვრო სიყვარულითაა გამთბარი. მათში პოეტის განცდები და ღრმა ტკივილია გადმოცემული შაგრენის ტყავივით დაპატარავებული სამშობლოსა და დაკარგული რწმენის გამო...

„ ... ო, წმინდა ჯვარო, გუმბათზე მდგარო, მუხლმოდრეკილი გვედრი მავანი, მხოლოდ შენ უწყი ქართველი ერის დიდი წარსულიც და მომავალიც. დაგვიმწყალობე ყოველი მართვი, გაგვიმთლიანე დაჭრილი გული, და დაუბრუნე თვითეულ ქართველს რწმენა, დიდი ხნით დავიწყებული!“

მისი ლექსები თარგმნილია გერმანულ, ბულგარულ, რუსულ ენებზე.

ბატონ ზურაბს განსაკუთრებული დამოკიდებულება აქვს აფხაზეთთან. იგი დღესაც არ წყვეტს კავშირს აფხაზეთიდან დევნილ ქართველებთან. მონაწილეობს აფხაზეთის ავტონომიური რესპუბლიკის განათლებისა და კულტურის სამინისტროს მიერ მოწყობილ თბილისისა და აფხაზეთის ამპუტანტ ფეხბურთელთა გუნდების შეხვედრებში. ამაცობს იმით, რომ მინისტრმა, ბატონმა დიმიტრი ჯაიანმა მას პირადად გადასცა გამარჯვებულის პრიზი. მონაწილეობდა მათივე ინიციატივით მოწყობილ წარდის ჩემპიონატში აფხაზეთისა და ქ. თბილისის შეზღუდული შესაძლებლობის მქონე გუნდებს შორის. ამ ჩემპიონატში ბატონმა ზურაბმა პირველი ადგილი დაიკავა.

ზურაბ მამულაშვილმა თავისი საინტერესო, შინაარსიანი შემოქმედებითი და სპორტული ცხოვრებით, გაუტყეველი სულით დაამტკიცა, რომ ის არის არა შეზღუდული შესაძლებლობის, არამედ განსაკუთრებული შესაძლებლობის მქონე მისაბაძი ადამიანი.

გიგია ზუსბანი

# საკლესიო კალენდარი

- 1 ივლისი, სულთმოფენობიდან მე-4 შვიდეულის შაბათი - ღირსი მიქაელ ულუმბოელის ხსენება (Vს.);
  - 2 ივლისი, სულთმოფენობიდან მე-4 კვირა - უფლის ძმის, მოციქულ იუდას ხსენება;
  - 4 ივლისი, სულთმოფენობიდან მე-5 შვიდეულის სამშაბათი - წმ. დიდებულთა მონამეთა საქართველოს მეფეთა არჩილისა (744წ.) და ლუარსაბის (1622წ.) ხსენება;
  - 5 ივლისი (ოთხშ.) - მღვდელმონაშე მიქაელ ჰერელის (ყულოშვილი, 1918წ.);
  - 7 ივლისი (პარ.) - შობა პატიოსნისა დიდებულისა წინასწარმეტყველისა, წინამორბედისა და ნათლისმცემელისა იოანესი;
  - 8 ივლისი (შაბ.) - ღირ. მონ. ფებრონია ქალწულის ხსენება (დაახ. 304წ.);
  - 10 ივლისი, სულთმოფენობიდან მე-6 შვიდეულის ორშაბათი - ღირ. გიორგი მთაწმიდელისა (1065წ.) და სრულიად საქართველოს კათოლიკოს პატრიარქის, მღვდელ-მონაშე კირიონ II (1918წ.) ხსენება;
  - 11 ივლისი (სამშ.) - აღმოყვანება ნაწილთა წმიდა მონამეთა კვიროს და იოანე უვეცხლოთა და საკვირველთმოქმედთა (412წ.);
  - 12 ივლისი (ოთხ. - პეტრი-პავლოზა (დიდებულთა და ყოვლად ქებულთა თავთა მოციქულთა პეტრესი და პავლეს ხსენება);
  - 13 ივლისი (ხუთშ.) - სვეტიცხოვლობა. დიდებულთა და ყოვლად ქებულთა ათორმეტ მოციქულთა კრება;
  - 14 ივლისი (პარ.) - წმ. ნერსე მთავარეპისკოპოსის ხსენება; - საკვირველთმოქმედთა უვეცხლოთა კოზმასი და დამიანესი (რომში წამებულითა - 284წ.).
  - 15 ივლისი (შაბ.) - დადება პატიოსნისა სამოსლისა ყოვლადწმიდისა დედუფლისა ჩვენისა ღმრთისმშობლისა ვლადკერნას (Vს.);
  - 16 ივლისი, სულთმოფენობიდან მე-6 კვირა - გერგეთობა - ყოვლადწმიდა სამების დღესასწაული სტეფანწმინდის რაიონის სოფელ გერგეტში;
  - 17 ივლისი, სულთმოფენობიდან მე-7 შვიდეულის ორშაბათი - წმ. ანდრეას, კრეტელი მთავარეპისკოპოსის („სინანულის დიდი კანონის“ შემქმნელის) ხსენება (712-726წ.);
  - 18 ივლისი (სამშ.) - ღირ. ათანასე ათონელის ხსენება (1000წ.);
  - 21 ივლისი (პარ.) - წმ. მირდატ მეფის ხსენება (410წ.);
  - 23 ივლისი, სულთმოფენობიდან მე-7 კვირა - ორმოცდახუთთა მონამეთა, ნიკოპოლისში წამებულითა ხსენება (დაახლ. 319წ.);
  - 24 ივლისი, სულთმოფენობიდან მე-8 შვიდეულის ორშაბათი - დიდმონაშე ეფემია ყოვლადქებულის სასწაულის ხსენება;
  - 25 ივლისი (სამშ.) - ღირ. მამათა ჩვენთა ათონელთა: იოანეს და გაბრიელის ხსენება (Xს.);
  - 26 ივლისი (ოთხშ.) - კრება გაბრიელ მთავარანგელოზისა;
  - 28 ივლისი (პარ.) - მონ. კვირიკესა და ივლიტას ხსენება (დაახლ. 305წ.);
  - 30 ივლისი, სულთმოფენობიდან მე-8 კვირა - ექვსი მსოფლიო კრების წმიდა მამათა ხსენება; - დიდმონ. მარინეს ხსენება (IVს.).
  - 31 ივლისი, სულთმოფენობიდან მე-9 შვიდეულის ორშაბათი - ღირ. კოზმან ხუცესმონაზონის ხსენება (1630წ.).
- \*\*\*
- 1 აგვისტო, სულთმოფენობიდან მე-9 შვიდეულის სამშაბათი - ღირ. სერაფიმე საროველის წაწილთა პოვნა (1903წ.);
  - 2 აგვისტო (ოთხშ.) - წინასწარმეტყველ ილია თეზბიტელის ხსენება (IXს. ქრისტეს წინ);
  - წმ. ილია მართლის (ჭავჭავაძის) ხსენება (1907წ.);
  - სრულიად საქართველოს კათოლიკოს-პატრიარქის ილია II ანგელოზის დღე.
  - 4 აგვისტო (პარ.) - მოც. სწორის მენელსაცხებლის მარიამ მაგდალინელის ხსენება (Iს.);
  - 6 აგვისტო, სულთმოფენობიდან მე-9 კვირა - ღირ. ილარიონ თუალელის ხსენება (XIს.);
  - 7 აგვისტო, სულთმოფენობიდან მე-10 შვიდეულის ორშაბათი - მიძინება მართალი ანასი, ყოვლადწმიდა ღმრთისმშობლის დედისა;
  - 9 აგვისტო (ოთხშ.) - დიდმონ. პანტელეიმონ მკურნალის ხსენება (305წ.);
  - 11 აგვისტო (პარ.) - მონ. ევსტათი მცხეთელის ხსენება (589წ.);
  - 12 აგვისტო (შაბ.) - აღმს. ცოტნე დადიანის ხსენება;
  - 13 აგვისტო, სულთმოფენობიდან მე-10 კვირა ოცხოველსმყოფელი ჯვარის პატიოსან ძელთა შემოყვანების წინა დღესასწაული;
  - 14 აგვისტო, სულთმოფენობიდან მე-11 შვიდეულის ორშაბათი: - ცხოველსმყოფელი ჯვარის პატიოსან ძელთა შემოყვანება; - მარიამობის მარხვის დასაწყისი! წყლის კურთხევა (მცირე აიაზმა).
  - 15 აგვისტო (სამშ.) - პირველმონაშე მთავარდიაკონ სტეფანეს ნან. აღმოყვანება (დაახ. 428წ.);
  - 16 აგვისტო (ოთხშ.) - პირველმონაშე რაუდენის ხსენება (457წ.); - მარაბდის ომის გამართა: ცხრა ძმა ხერხეულიძის, დედისა და დისა მათისა და მათთან 9000 ქართველთა, მხედართა და მხედართმთავართა ხსენება;
  - 17 აგვისტო (ხუთშ.) - შვიდთა ყრმათა ეფესელთა ხსენება (დაახ. 250წ.);
  - 19 აგვისტო (შაბ.) - ფერისცვალება (ხსნილია თევზით);
  - 21 აგვისტო, სულთმოფენობიდან მე-12 შვიდეულის ორშაბათი - ღირ. ექვთიმესი, წმ. იოანე ნათლისმცემლის მონასტრის წინამძღვრისა;
  - 22 აგვისტო (სამშ.) - მოც. მატათას ხსენება (დაახ. 63წ.);
  - 26 აგვისტო (პარ.) - ღირსი მაქსიმე აღმსარებლის ხსენება (662წ.);
  - 27 აგვისტო, სულთმოფენობიდან მე-12 კვირა - მღვდელმონაშე ნაზარის (ქუთათელ-გაენათელი მიტროპოლიტის) ხსენება (1924წ.); - ყოველთა ახლმონაშეთა, ტოტალიტარული რეჟიმის დროს ურწმუნოთაგან წამებულითა ხსენება (XX).
  - 28 აგვისტო, სულთმოფენობიდან მე-13 შვიდეულის ორშაბათი: - მარიამობა (ყოვლადწმიდა ღმრთისმშობლის მიძინება); - სიონობა; - ღმრთისმშობლის ხატთა თავყვანისცემა.
  - 29 აგვისტო (სამშ.) - წამოყვანება იესო ქრისტეს ხელთუქმნელი ხატისა ედესით კონსტანტინეპოლს (944წ.); - ანჩისხატობა; - მამა ანტონობა მარტყოფში.
  - 30 აგვისტო (ოთხშ.) - წმ. ტბელ აბუსერიდის (ჰაგიოგრაფისა და ჰიმნოგრაფის) ხსენება;
  - 31 აგვისტო (ხუთშ.) - ღირ. ქრისტოდულესი, ოსად წოდებულის, ფილოსოფოსის ხსენება (XIIIს.);



**„დიდ ნაჩ უნე,  
უზანლო...“**




**პიპი უაჰნაჯაჰი**



**კულტურის დანერგვის  
პროექტის  
მოქმედება**







## ქვათახევის მონასტერი

სარედაქციო კოლეგია: სვეტლანა ქეცბა, დეკანოზი ბიძინა (გუნია),  
ლია სენიაშვილი, ნოდარ სილაგაძე, ირინა ქეცბა  
პასუხისმგებელი რედაქტორი ციცილო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, თოფურიას ქ. №12, ტელ.: 231-51-30, 599-05-96-11. ტირაჟი: 500 ცალი